



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Theologia Moralis**

Antehac Ex Probatis Auctoribus breviter concinnata

**Busenbaum, Hermann**

**Coloniae Agrippinae, 1713**

Q. 43. An ex aliis etiam causis possit peccatum mortale fieri veniale.

**urn:nbn:de:hbz:466:1-42521**

li, quando adest notabilis quantitas illius, quia autem hic & nunc non est nisi parva quantitas illius materiae, hinc est veniale. Ratio patet, si enim materia levis non substat obligationi gravi, utilia. 233. notatum est, hoc ipso, quod materia sit levis ob defectum quantitatis requirit ad mortale, jam fiet veniale: Pro exemplis autem serviunt dicta n. 204., ubi egimus de peccatis ex genere suo mortalibus, quae præter materialium objecto gravem requirunt quantitatem notabilem. Vide etiam dicta l. 1. à n. 669.

235. Q. 43. An ex aliis etiam causis possit peccatum mortale fieri veniale. R. Affirmative, 1. S. lex, quæ prius obligabat graviter, postea obliget tantum leviter, vel ex voluntate legislatoris, vel ex mutatione legis per consuetudinem aut interpretationem secundum diversitatem circumstantiarum. 2. Obversum dictamen conscientia, secundum quod aliquid prius censebatur graviter obligare, postea autem prudenter censetur obligare tantum leviter, de quo satis dictum est. 3. De conscientia. An autem idem physicè actus, qui nunc est peccatum mortale, possit fieri peccatum veniale, Item ut mortale possit à Deo remitti quoad jus ad gravem indignationem, reservato jure ad indignationem levem, sunt quæstiones speculativæ.

Unicum hoc dubium restat decidendum, an aliqua transgressio de se mortalis fiat venialis, sed quod committatur subito vel transiunter, quamvis cum plena advertentia & plenè libero consensu. Videtur affirmare auctor libelli in Gallia impressi Anno 1700. sub titulo, *Theologia moralis S. Augustini*, nam docet habitum charitatis

tatis prædominantem, & consequenter gratiam manere, quamdiu nullum peccatum mortale habitualiter, fixè & permanenter in anima prædominatur, licet aliquis ex metu, cum renitentia, ex violenta tentatione vel passione per modum transeuntis consentiat in opus de se graviter malum, si statim post illi summè displiceat, & quod tum censeatur in fundo animæ habitualiter permanere idem status charitatis prædominantis. Sed doctrina illa est falsissima, alioquin sic excusabuntur sèpissime deliberata dubia in fide, blasphemiae, detractiones, delectationes & desideria turpissima, possunt enim hæc peccata mortalia committi ab homine justo, vel ex metu, ut fecit S. Petrus; vel cum renitentia, ut faciunt, quos remordet conscientia; vel ex ardore concupiscentie &c.; & licet statim post summè displiceant, certum tamen est fuisse mortalia, cum peccatum mortale possit in momento admitti, nec dubium est, quin statim immoriens tali peccato, esset æternum damnandus.

## D U B I U M III.

*Quibus modis peccatum ex genere suo veniale, aut adius indifferens, transeat per accidens in mortale.*

**Q**uinque modis id fieri communiter, docet Sanch. &c. 1. Ratione finis adjuncti. 2. Ratione finis ultimi. 3. Ratione contemptus. 4. Ratione scandali. 5. Ratione periculi. De singulis dicam breviter.

O s

R e s p.